

Argyfyngau Meddygol gan gynnwys hyfforddiant Cynnal Bywyd Sylfaenol (BLS) ar gyfer y Tîm Deintyddol Cwestiynau Cyffredin

Mae'r adran Ddeintyddol, AaGIC yn darparu hyfforddiant i weithwyr proffesiynol deintyddol i gwblhau eu hyfforddiant Argyfyngau Meddygol DPP a BLS blynyddol 2 awr a argymhellir gan GDC. Ar hyn o bryd mae hwn yn fodiwl dysgu ar-lein 1 awr y gellir ei ddilyn gan sesiwn ymarferol 1 awr a gwblhawyd o fewn eich practis.

NB: Cyfrifoldeb pob gweithiwr deintyddol proffesiynol yw sicrhau eu bod yn cwblhau eu DPP dilysadwy 2 awr i gydymffurfio ag oriau hyfforddiant Argyfyngau Meddygol a argymhellir gan y GDC.

Mae'r ddogfen ganlynol yn rhoi atebion i gwestiynau cyffredin ynghylch archebu'r hyfforddiant hwn a ddarperir gan yr Adran Ddeintyddol Ôl-raddedig, AaGIC.

Darllenwch y ddogfen a'r siart llif cyn cysylltu â'r adran Ddeintyddol Ôl-raddedig gydag unrhyw ymholiadau, oherwydd efallai y bydd eich cwestiwn yn cael ei ateb yn y ddogfen hon. Os oes gennych ymholiad o hyd ar ôl darllen y canllawiau hyn, peidiwch ag oedi cyn cysylltu â HEIW.DentalCPR@wales.nhs.uk

Sut mae cwblhau'r modiwl BLS ar-lein DPP dilysadwy 1 awr?

Mae'r modiwl ar-lein nawr ar gael ar System Rheoli Dysgu 'Y Tŷ Dysgu' - Gallwch fewngofnodi i'ch cyfrif yma - [Croeso! - Ytydysgu Heiw](#). Os nad ydych eto wedi cofrestru ar gyfer cyfrif ar y system hon, dewiswch y tab 'cofrestru' ar y dudalen hafan. Bydd eich cyfrif yn cael ei actifadu o fewn 24 awr.

Rwyf eisoes wedi cofrestru ar y platform ar-lein ond wedi anghofio fy nghyfrinair?

Os ydych eisoes wedi cofrestru ond wedi anghofio eich cyfrinair, peidiwch â chreu cyfrif newydd os gwelwch yn dda. Gofynnwch am gyfrinair newydd drwy glicio ar y ddolen 'anghofio'ch cyfrinair?' ar y dudalen mewngofnodi - Anghofio Cyfrinair - Ytydysgu Heiw.

Rwyf wedi mewngofnodi, ond ni allaf ddod o hyd i'r modiwl BLS ar-lein?

Mae dau ddull i gael mynediad i'r modiwl ar-lein:

Dull 1 - Unwaith y byddwch wedi mewngofnodi byddwch ar eich 'dangosfwrdd' yn awtomatig. Yna gallwch sgrolio i lawr i 'featured' a dylid rhestru'r cwrs yno o'r enw 'Diweddariad blynyddol Cymorth Bywyd Sylfaenol & Anaffylacsis 2023 - Gweithwyr Proffesiynol Deintyddol 'Cliciwch ar y cwrs ac yna  cliciwch ar 'cofrestru'. Unwaith y byddwch wedi cofrestru, gallwch wedyn weithio trwy bum cam gwahanol y cwrs. Unwaith y bydd yr holl gamau wedi'u cwblhau bydd angen i chi glicio 'cyflwyno'r cwrs' ar y brig. Sylwer na fyddwch yn gallu cyflwyno'r cwrs oni bai bod pob cam yn dangos bod 100% wedi'i gwblhau.

Dull 2 - Unwaith y byddwch wedi mewngofnodi, ewch i 'cyrsgiau' yna cliciwch ar 'Deintyddol' ar y dudalen darganfod. Yna dylai'r cwrs fod yn weladwy ar eich sgrin o'r enw



'Diweddariad blynyddol Cymorth Bywyd Sylfaenol & Anaffylaxis 2023 - Gweithwyr Proffesiynol Deintyddol '.

Cliciwch ar y cwrs ac yna cliciwch 'cofrestru'. Ar ôl i chi gofrestru, gallwch wedyn weithio trwy bum cam gwahanol y cwrs. Unwaith y bydd yr holl gamau wedi'u cwblhau bydd angen i chi glicio 'cyflwyno'r cwrs' ar y brig. Sylwer na fyddwch yn gallu cyflwyno'r cwrs oni bai bod pob cam yn dangos bod 100% wedi'i gwblhau.

Mae gan y modiwl ar-lein 5 rhan:

1. **Datganiad Hygyrchedd**
2. **Diweddariad Blynyddol eDysgu Cymorth Bywyd Sylfaenol ac Anaffylaxis ar gyfer Ymarferwyr Deintyddol**
3. **Asesiad Jake eLifeSavers**
4. **Asesiad Rebecca eLifeSavers**
5. **Gweithwyr Proffesiynol Deintyddol BLS 2023**

***Sylwer, wrth gyflwyno'r cwrs, ni fydd y dystysgrif ar gael oni bai bod y pum cam wedi cael eu cwblhau gyda chyfradd cwblhau 100% ***

Ydw i'n cael tystysgrif DPP dilysadwy ar ôl cwblhau'r modiwl ar-lein?

Oes, mae'r dystysgrif ar-lein yn cydymffurfio â gofynion GDC. Byddwch yn gallu lawrlwytho a chadw'r dystysgrif fel tystiolaeth o'ch cwblhau'r modiwl BLS ar-lein 1 awr. Cadwch hyn yn ddiogel ar gyfer eich cofnodion.

Oes angen i mi gwblhau'r modiwl ar-lein cyn fy sesiwn ymarferol mewn practis?

Oes, gan y bydd y modiwl ar-lein yn ategu eich sesiwn hyfforddi o fewn practis ac yn eich helpu i baratoi ar gyfer yr agwedd ymarferol ar eich dysgu a'ch datblygiad. Fel gweithiwr deintyddol proffesiynol bydd gofyn i chi ddatgan i'r darparwr hyfforddiant *Resus* eich bod wedi cwblhau'r hyfforddiant ar-lein 1 awr hwn. Efallai y gofynnir i chi ddarparu tystiolaeth drwy ddangos copi o'ch tystysgrif BLS ar-lein.

Pa mor bell ymlaen llaw ddylwn i gwblhau'r modiwl ar-lein cyn ein sesiwn o fewn y practis?

Mae AaGIC a'ch darparwr hyfforddiant *Resus* yn argymhell bod y sesiwn ymarferol yn digwydd o fewn 3 mis ar ôl cwblhau'r modiwl BLS ar-lein.

Sut ydyn ni'n trefnu'r sesiwn ymarferol o fewn practis

Bydd gofyn i bob practis lenwi'r ffurflen gofrestru ar-lein. Cliciwch y ddolen hon i gael mynediad at y ffurflen - Hyfforddiant Tîm Argyfyngau Meddygol (office.com) Ar ôl cwblhau'r ffurflen hon, gallwch gysylltu â'ch darparwr hyfforddiant resws lleol i drefnu dyddiad cyfleus i'r sesiwn ymarferol ddigwydd. Mae rhestr o ddarparwyr hyfforddiant a'u manylion cyswllt ar gael ar ein gwefan yma - Hyfforddiant argyfwng meddygol ymarferol - AaGIC (nhs.cymru) **Sicrhewch eich bod yn trefnu'r hyfforddiant gyda'r darparwr hyfforddiant a ddyrennir i'ch ardal Bwrdd Iechyd.**

Ble mae'r sesiwn ymarferol yn cael ei chynnal?

Mi fydd y sesiwn ymarferol yn cymryd lle yn eich practis. Sylwch bydd AaGIC dim ond yn ariannu 1 sesiwn (practisau GIG yn unig) y flwyddyn i hyfforddi eich tîm practis cyfan. Dylai staff wneud pob ymdrech i fynychu'r sesiwn caiff ei threfnu. Bydd eich hyfforddwr dynodedig ddim ond yn trefnu sesiwn arall os ydynt yn meddwl nad oes digon o le ar gyfer y nifer o bobl sy'n mynychu neu os ydynt yn teimlo y byddai hi o fudd i drefnu sesiwn ychwanegol fel bod yr hyfforddiant yn cael ei ddarparu i grŵp o faint fyddai'n cael y gorau o'r cyfranogiad a'r dysgu.

Beth os bydd y niferoedd sydd i fod i fynychu'r hyfforddiant yn newid?

Os bydd unrhyw newidiadau i'r niferoedd mynychwyr, rhaid i chi roi gwybod i'ch darparwr Hyfforddwr Dadebru cyn gynted â phosibl gan y bydd hyn yn effeithio ar faint o hyfforddwyr sydd eu hangen i gynnal yr hyfforddiant sydd â goblygiad cost i'r GIG.

A oes ffi am yr hyfforddiant ymarferol?

Nid oes ffi am Bractisau sydd â contract GIG. Bydd practisau heb contract GIG yn parhau i godi ffi sydd wedi'i phennu ar hyn o bryd ar £500.

Bydd angen talu'r ffi am Bractisau Preifat pan fydd eich elfen ymarfer rhan 2 wedi'i harchebu. I dalu'r ffi, bydd y gweinyddwr (Nathan Williams) yn rhoi eich manylion i adran Gyllid AaGIC a fydd yn anfon anfoneb atoch maes o law.

Sut byddaf yn derbyn fy nhystysgrif ar gyfer y sesiwn hyfforddi mewn ymarfer?

Yn ôl yr arfer byddwch yn llofnodi taflen bresenoldeb yn eich sesiwn hyfforddi mewn ymarfer. Bydd y daflen bresenoldeb hon yn cael ei darparu i'r gweinyddwr (Nathan Williams) o fewn y Tîm Ôl-raddedig Deintyddol a fydd yn nodi eich presenoldeb ar System Rheoli Dysgu 'Y Ty Dysgu', a fydd yn rhyddhau eich tystysgrif DPP ar gyfer y sesiwn hyfforddi 1 awr mewn ymarfer.

***Sylwer** mai dim ond unwaith y bydd pob mynychwr wedi creu cyfrif ar System Rheoli Dysgu 'Y Ty Dysgu' y gellir rhyddhau'r tystysgrifau gan mai dim ond unwaith y gellir cyflwyno'r presenoldeb*

Os nad ydych eto wedi cofrestru i 'Y Ty Dysgu' dyma'r ddolen i gofrestru —
Cofrestrwch - [Ytydysgu Heiw](#)

A allwn ni werthuso'r sesiwn ymarfer?

Bydd ffurflen werthuso yn cael ei darparu gan y darparwr hyfforddiant ar ddiwrnod y cwrs. Mae hyn er mwyn i'r darparwr hyfforddiant gael gwerthusiad ar unwaith ynghylch y cwrs. Byddwch hefyd yn cael cyfle i fyfrio a gwerthuso'r sesiwn mewn ymarfer pan fyddwch yn mewngofnodi i 'Y Ty Dysgu' i lawrlwytho eich tystysgrif DPP 1 awr.

Os oes gennych unrhyw ymholiadau pellach ar ôl darllen y canllawiau hyn, cysylltwch â Nathan Williams yn: HEIW.DentalCPR@wales.nhs.uk.

Nodwch yn ystod cyfnodau prysur efallai y bydd yn cymryd ychydig ddyddiau i ni fynd yn ôl atoch chi.